

К ОПУБЛИКОВАНИЮ

КОМИ РЕСПУБЛИКАСА ВЕСЬКӖДЛАН КОТЫРЛӦН ШУӦМ

Коми Республикаса ньӧбасьӧм нуӧдан комитет йылысь

«Коми Республикаса Юралысь, Коми Республикаса Веськӧдлан котыр да Коми Республикаса олӧмӧ пӧртысь власьт системаын органъяс йылысь» Коми Республикаса Оланпаслӧн 21 статья серти Коми Республикаса Веськӧдлан котыр шуис:

1. Вынсьӧдны Коми Республикаса ньӧбасьӧм нуӧдан комитет йылысь положение 1 №-а содтӧд серти.
2. Сетны Коми Республикаса ньӧбасьӧм нуӧдан комитетлы «Торгъяс котыртӧмсӧ да нуӧдӧмсӧ могмӧдан шӧрин» Коми Республикаса канму казӧннӧй учреждение учредитысьлысь уджъяс да уджмогъяс.
3. Тайӧ шуӧмыс вынсялӧ сійӧс официальнойӧ йӧзӧдан лунсянь.

Коми Республикаса Веськӧдлан котырӧн
Юрнуӧдысьӧс Медводдза вежысь

И. Булатов

Сыктывкар

2020 вося вӧльгым тӧлысь 5 лун

545 №

ВЫНСЬӦДӦМА

Коми Республикаса Веськӧдлан котырлӧн
2020 во вӧльгым тӧлысь 5 лунся 545 №-а шуӧмӧн
(1 №-а содтӧд)

Коми Республикаса ньӧбасьӧм нуӧдан комитет йылысь

ПОЛОЖЕНИЕ

I. Панас

1. Коми Республикаса ньӧбасьӧм нуӧдан комитет (водзӧ – Комитет) лоӧ Коми Республикаса олӧмӧ пӧртысь власьт органӧн, кодӧ ладмӧдӧ Коми Республикалӧн канму могъяс вылӧ вузӧс, уджъяс, услугаяс ньӧбан юкӧнын (водзӧ – закупка) контрактнӧй система, координируйтӧ министерствояслысь да Коми Республикаса мукӧд олӧмӧ пӧртысь власьт органлысь уджсӧ тайӧ юкӧнын.

2. Аслас уджын Комитет кутчысьӧ Россия Федерацияса Оланподулӧ, федеральнӧй оланподув оланпасьясӧ, федеральнӧй оланпасьясӧ, Россия Федерацияса мукӧд нормативнӧй инӧда актӧ, Коми Республикаса Оланподулӧ, Коми Республикаса оланпасьясӧ, Коми Республикаса мукӧд нормативнӧй инӧда актӧ, а сӧдзжӧ тайӧ Положениеӧ.

3. Комитет збыльмӧдӧ ассьыс уджсӧ кыдзи веськыда, сӧдзи и федеральнӧй канму власьт органъяскӧд, федеральнӧй фондьяскӧд, Коми Республикаса канму власьт органъяскӧд, меставывса асвеськӧдлан органъяскӧд, ӧтйӧза ӧтувъяскӧд да мукӧд организациякӧд ӧтвылысь.

4. Комитет видзӧм вылӧ рӧскодсӧ сьӧмӧн могмӧдӧны Коми Республикаса республиканскӧй сьӧмкуд сьӧм тшӧт весьтӧ.

5. Комитет лоӧ юридическӧй кывкутысьӧн, сьлӧн эм Коми Республикаса канму канпаса да коми да роч кывъяс вылын ас нима печать, урчитӧм нога мукӧд печать, штамп да бланок, Россия Федерацияса

оланпастэчас серти восьтан тшӧтъяс.

6. Комитет збыльмӧдӧ Коми Республикаса торъя канму учрежденияс серти учредительлысь уджъяс да уджмогъяс, кутшӧмъясӧс урчитӧма Коми Республикаса Веськӧдлан котыр (водзӧ – канму учрежденияс).

7. Комитет лоӧ Коми Республикаса сӧм овмӧс министерстволысь инӧд босьтысьӧн Комитетлы сетӧм уджъяс юкӧнын.

8. Комитетлӧн меститчанӧн (юридическӧй инпас): Сыктывкар, Коммунистическӧй ул., 8.

II. Шӧр могъяс

9. Комитетлӧн уджын шӧр могъясӧн лоӧны:

1) закупкаяс збыльмӧдӧмлысь окталунсӧ, бӧртаслунсӧ, тыдаланлунсӧ могмӧдӧм;

2) лӧсялана вузӧс рынокъясын конкуренция сӧвмӧдны отсалӧм.

III. Канму удж

10. Тайӧ Положениелӧн II юкӧдын индӧм могъяссӧ збыльмӧдӧм могысь Комитет пӧртӧ олӧмӧ татшӧм канму удж:

1) дасьтӧ да сетӧ Коми Республикаса Юралысьлы да Коми Республикаса Веськӧдлан котырлы закупкаяс юкӧнын Коми Республикаса нормативнӧй инӧда акт балаяс, сӧрнитчӧмъяслысь, артмӧдчӧмъяслысь балаяс, кӧнӧн ӧти сӧрнитчысьӧн лоӧ Коми Республикаса Юралысь либӧ Коми Республикаса Веськӧдлан котыр;

2) видлалӧ Россия Федерацияса да Коми Республикаса оланпасьяслысь да мукӧд нормативнӧй инӧда актлысь, артмӧдчӧмъяслысь да сӧрнитчӧмъяслысь балаяс юалӧмъяс серти, кутшӧмъяс пырӧны Комитетлӧн компетенцияӧ;

3) могмөдө (закупкаяс юкөнын контрактной система ладмөдөм серти федеральной олөмө пөртүсө власьт органкөд өтүв уджалігөн) закупкаяс юкөнын канму политика збыльмөдөм, закупкаяс серти мониторинг котыртөм, а сідзжө закупкаяс збыльмөдысө заказчикьяслөн уджлы методология боксянь отсалөм;

4) дасьтө да сетө Коми Республикаса Юралысьлы да Коми Республикаса Вєськөдлан котырлы закупкаяс юкөнын оланпастэчас бурмөдөм серти вөзйөмьяс;

5) дасьтө закупкаяс юкөнын справочной да юөр чукөртан-доньялан материальяс;

6) сетө методика боксянь отсөг Коми Республикаын меставывса асвєськөдлан органьяслы муниципальной могьяс вылө вузөс, уджьяс, услугаяс ньөбан юкөнын;

7) пөртө олөмө Коми Республикаса закупкаяс збыльмөдөм серти, сы лыдын Комитетлөн удж, канму заказчиклысө уджьяс;

8) закупкаяс збыльмөдігөн сэк, кор канму заказчикөн лоө Комитет, могмөдө индөм закупкаяс серти доньяс да вузөс номенклатура (услуга сикасьяс) серти мониторинг нуөдөмсө, прогнозируютөмсө, планируютөмсө, бюджетируютөмсө, контрактациясө да администрируютөмсө оланпастэчасөн урчитөм пөрадокын;

9) пөртө олөмө Коми Республикаса республиканской сьөмкүд сьөмөн медшөр вөдитчысьлысө да босьтысьлысө уджьяссө сьөм юкөнын, мыйта урчитөма Комитет, канму учреждениеяс видзөм да Комитетлы сетөм уджьяс збыльмөдөм вылө;

10) урчитөм пөрадокын котыртө да могмөдө мобилизационной дасьтысьөм, мобилизация, Комитетса уджалысьяс серти, кодьяс лыддыссьөны запасын, воинской учёт да бронируютөм, координируютө канму учреждениесын мобилизационной дасьтысьөм, воинской учёт да бронируютөм серти мероприятияяс да видзөдө на бөрся;

11) нуөдө Комитетын войтырөс дорйөм серти мероприятияяс Коми

Республикаын войтырöс дорйöмсö котыртöм да нуöдöм йылысь положение серти, кутшöмöс вынсьöдöма Коми Республикаса Юралысьлөн 2008 во йирым тöлысь 13 лунся 97 №-а Индöдөн;

12) нуöдö Комитетын йöзöдны позьтöм нога юöртан ресурсьяс, сылыдын аспас, а сідзжö канму гусяторйö пырысь тöдмөгьяс, дорйöм серти мероприятиеяс;

13) нуöдö Комитетын юөр техническöя дорйöм серти мероприятиеяс;

14) нуöдö терроризмысь да экстремизмысь öлöдöм, налысь колясьяс чинтöм серти мероприятиеяс Коми Республикаын терроризмлы паныд удж нуöдысь комиссиялөн помшүöмьяс серти;

15) котыртö да збыльмöдö Коми Республикаын терроризм идеологиялы паныд удж нуöдан комплекснöй план серти мероприятиеяс да Коми Республика мутасын терроризм идеологиялы паныд удж нуöдöм серти мукöд мероприятие;

16) збыльмöдö Коми Республика мутасын удж видзан юкöнын канму политикаын медшöр нырвизьяс компетенцияын, кутшöмöс урчитöма «Удж видзан юкöнын öткымын юалöм йылысь» Коми Республикаса Велькöдлан котырлөн 2008 во тöвшöр тöлысь 29 лунся 16 №-а шүөмөн;

17) колана ногөн могмöдö Коми Республикаса Юралысьлысь да Коми Республикаса Велькöдлан котырлысь тшöктöмьяс олöмö пöртöмсö, кутшöмьясöс сетöма Россия Федерацияса Президентлысь тшöктöмьяссö да индöмьяссö олöмö пöртöм могысь, сійö юалöмьяс серти, кутшöмьясöс пыртöма Комитетлөн уджалан юкөнö, «Россия Федерацияса Президентлысь тшöктöмьяс да индöмьяс олöмö пöртöм котыртöмсö бурмöдан мераяс йылысь» Россия Федерацияса Президентлысь 2011 во рака тöлысь 28 лунся 352 №-а Индöд збыльмöдöм серти;

18) нуöдö Комитетын да канму учреждениясын пöжарысь видзчысян мераяс могмöдöм серти мероприятиеяс;

19) участвуйтö Коми Республика мутасын добровольчество

(волонтёрство) юкӧнын канму политика збыльмӧдӧмын;

20) нуӧдӧ Комитетлӧн уджалігӧн артмӧм архивнӧй документъяс чукӧртӧм, видзӧм, найӧс учётӧ босьтӧм да наӧн вӧдитчӧм серти удж;

21) примитӧ гражданаӧс да ас кадӧ да тырвыйӧ видлалӧ Комитетлӧн уджалан юкӧнӧ пыртӧм юалӧмъяс серти налысь шыӧдчӧмъяс, примитӧ татшӧм шыӧдчӧмъяс серти помшуӧмъяс да Россия Федерацияса оланпастэчасӧн урчитӧм кадколастӧ ыстӧ шыӧдчысьяслы вочакывьяс;

22) збыльмӧдӧ мукӧд удж Коми Республикаса Юралысьлӧн, Коми Республикаса Веськӧдлан котырлӧн помшуӧмъяс серти.

IV. Инӧдъяс

12. Канму уджъяс олӧмӧ пӧртӧм, урчитӧм уджалан юкӧнъясын канму услугаяс сетӧм могысь Комитет вермӧ:

1) корны да босьтны Коми Республикаса канму власьт органъяссянь, Коми Республикаын меставывса асвескӧдлан органъяссянь, организацияссянь, чина йӧзсянь юӧр, кутшӧм колӧ Комитетлӧн уджалан юкӧнӧ пыртӧм юалӧмъяс серти помшуӧмъяс примитӧм вылӧ;

2) Комитетлӧн уджалан юкӧнӧ пыртӧм юалӧмъяс решитӧм могысь урчитӧм пӧрадокын корны наука да мукӧд организацияӧс, учёнӧйясӧс да специалистъясӧс;

3) котыртны Комитетлӧн уджалан юкӧнӧ пыртӧм юалӧмъяс серти координационнӧй, сӧвещательнӧй да экспертнӧй органъяс (сӧветъяс, комиссияяс да уджалан группаяс, коллегияяс);

4) урчитӧм пӧрадокын учредитны ведомствоса наградаяс да ведомствоса ышӧдӧмъяс да сетны найӧс гражданаы урчитӧм уджалан юкӧнын ыджыд вермӧмъясысь.

V. Удж котыртӧм

13. Комитетон юрнуодö Комитетон веськöдлысь, кодöс индö чинö Коми Республикаса Юралысь Коми Республикаса Веськöдлан котырön Юрнуодысьлөн вöзйöм серти да мездö чинысь Коми Республикаса Юралысь.

14. Комитетон веськöдлысь:

1) юрнуодö Комитетлөн уджөн öткөн веськöдлан принципьяс серти да ачыс кывкутö Комитетлы сетöм могьяс да уджьяс збыльмöдöм вöсна;

2) эсканпастöг уджалö Комитет нимсянь, петкöдлö сйöс канму власьт органьяскöд, меставывса асвеськöдлан органьяскöд да организацияскöд йитöдьясын;

3) лэдзö тшöктöдьяс, помшуймьяс да тшöктöмьяс, сетö индöдьяс, видзöдö найöс олöмö пöртöм бöрся;

4) вынсьöдö Комитетлысь тэчассö, штатнöй расписаниесö вынсьöдöм штат лыд мындаын, а сідзжö Комитетлысь сьöмкуд сметасö сьöмкуд ассигнованиеяс мындаын, мыйта урчитöма Коми Республикаса республиканскöй сьöмкудйын;

5) вынсьöдö Комитетлөн тэчас юкöдувьяс йылысь положениеяс;

6) вынсьöдö Комитетса уджалысьяслы чина уджаланартьяс да чина инструкцияяс;

7) оланпастэчас серти босьтö удж вылö да мездö удж вылысь Комитетса уджалысьясöс;

8) оланпастэчас серти вöдитчö Комитетса уджалысьяс серти ошкана мераясөн да дисциплинарнöя мыждан мераясөн;

9) осьтö да пöдлалö тшöтьяс, кырымалö финансöвöй документьяс;

10) могмöдö Комитетын финансöвöй дисциплинаö кутчысьöмсö;

11) котыртö Комитетлөн удж йылысь юөрön вöдитчыны позянлун;

12) оланпастэчас серти збыльмöдö мукöд уджмог.

15. Комитетон веськöдлысьлөн эм вежысь, кодöс индöны чинö да мездöны чинысь Россия Федерацияса оланпастэчасөн да Коми Республикаса оланпастэчасөн урчитöм пöрадокын.

Комитетӧн веськӧдлысьӧс вежысь уджалӧ эсканпастӧг Комитет нимсянь Комитетӧн веськӧдлысьӧн урчитӧм инӧдьяс да кывкутана могъяс серти.

Сэк, кор Комитетӧн веськӧдлысь недыр кад абу, сылысь кывкутана могъяссӧ пӧртӧ олӧмӧ Комитетӧн веськӧдлысьӧс вежысь Комитетӧн веськӧдлысьлӧн помшуйӧм серти.

Сэк, кор Комитетӧн веськӧдлысь чиныс прӧст, Комитетӧн веськӧдлысьлысь кывкутана могъяс сетӧм йылысь помшуйӧмсӧ примитӧ Коми Республикаса Юралысь Коми Республикаса Веськӧдлан котырӧн Юрнуӧдысьлӧн вӧзйӧм серти.

16. Комитетлысь медпозяна штат лыдсӧ урчитӧ Коми Республикаса Веськӧдлан котыр.

17. Комитетлысь пытшкӧс уджсӧ урчитӧны Комитетлӧн Уджаланартӧн.

Пас лыд 9617